



Inatsisartunut ilaasortaq, Mette Arqe-Hammeken, Naleraq

§ 37-mut apeqqutininut akissuteqaat nr. 165-2024

Asasara Mette Arqe-Hammeken

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uagutsinnit akisassanngorlugit innersuussutigineqartut qujassuteqarfigaagut. Apeqqutit issuarneqartarput tamatumalu kingorna akineqarlutik.

26-07-2024
Suliap nr. 2024-2026
All. nr. 23102322

Postboks 1160
Oqarasuaat:
34 50 00
Fax: 34 55 05
3900 Nuuk

Mail: pn@nanog.gl
www.naalakkersuisut.gl

- 1. Peqqinnissaqarfiup aqqissuussaannerata kingorna1 , kina Peqqinnissaqarfimmuut tunngasunut akisussaannerpaatut oqartussaava (instruktionsbeføjelse)? Suli akisussaasuuneq Peqqinnissaqarfimmuut Naalakkersuisuuppat tamanna ersarissumik akissutigeqquneqarpoq.**

Allanngortiterinerup kingorna akisussaaffik allannguuteqarani peqqinnissaqarfimmi aqutsisunut sammissaaq.

- 2. Namminersorlutik Oqartussat taassumalu ataani aqutsisoqarfiit, sulisussarsiuussinerni dansk-isuinnaq allassimasunik sulisussarsiuussisinnaatitaappat?**

Apeqqutip akineqarnissaanut Aningaasaqarnermut Sulisoqarnermullu Aqutsisoqarfimmit akissuteqartitsisoqarpoq, ima ilisimatitsissuteqarpoq:

“Naalakkersuisoqarfiit Qitiusumik allaffeqarfianni aamma immikkoortoqarfiit ataaniittuni atorfimmik inuttassarsiuinerup ilusaanut oqaatsinut tunngasunut piumasaqaatit oqaatsit pillugit politikki Inatsisartut inatsisaat malinneqarpoq, kiisalu Qitiusumik allattoqarfimmi sulisunik aamma suliffeqarfinni namminersortuutitani il. il. pisortaanernik atorfinitsitsisarneq pillugu kaajallaasitaq.

Inatsisartut inatsisaat naapertorlugu kalaallit oqaasii tassaapput Kalaallit Nunaanni pisortatigoortumik oqaasiusut pisortatigullu ingerlatsinermi atugaasut, aamma danskit oqaasii atorneqarsinnaallutik. Kaajallaasitaq aamma naapertorlugu atorfimmik inuttassarsiuinermi oqaatsit marluk atorlugit allanneqartarnissaat, atorfimmik inuttassarsiuinermi pingaartinneqartarpoq piginnaasaqarfissatut piumasaqaatit ilagaat suliassatigut piginnaasaqarnissaq aamma nalinginnaasumik piginnaasaqarnissaq, taakkununga ilanngullugit kalaallisut, danskisut tuluttullu oqaatsitigut piginnaasaqarnissaq kiisalu kalaallit kulturiannik inuiaqatigiinnilu pissutsinik ilisimasaqarnissaq.”

Atorfinnik inuttassarsiunerit oqaatsit marluk atorlugit allassimasarnissaat Peqqissutsimut Naalackersuisoqarfiup Peqqinnissaqarfimmut oqariartuutiginikuuaa.

3. Nunatsinni Peqqinnissaqarfiup Dansk-isuinnaq sulisussarsiorsinnaatitaappat?

Apeqqutip 2-p akissutaanut innersuussisoqarpoq.

a. Nunatsinni Peqqinnissaqarfiup nittartagaq "www.gjob.gl" oqartussaaffigalugulu sulisussarsiuussinerit ikkussortarpaat?

Nunatsinni Peqqinnissaqarfik Gjob.dk-p imarisaanut kiisalu nittartakkami atorfinnut inuttassarsiuinernut akisussaasuvoq. Gjob.dk peqqissutsimut tunngasunik sulisuni sulisussarsiornermi atorpeqartarpoq, pingaartumik nunani avannarlerni.

4. Naalackersuisut apeqqutigineqartunut attuumassuteqartunik paasissutissanik allanik apuussassaqarpat?

Naamik.

Med venlig hilsen
Inussiarnersumik inuulluaqqusillunga


Agathe Fontain